



Na osnovu člana 15. Stav (1) tačka 2. Zakona o principima lokalne samouprave u Federaciji Bosne i Hercegovine („Službene novine Federacije Bosne i Hercegovine“ br. 49/06 i 51/09), čl. 25. i 74. Statuta Općine Centar Sarajevo – prečišćen tekst („Službene novine Kantona Sarajevo“, broj: 23/04), i Odluke o izvršavanju Budžeta Općine Centar Sarajevo za 2023. godinu (Službene novine Kantona Sarajevo, br. 2/23) i Pravilnika o uslovima i načinu dodjele finansijskih sredstava namijenjenih razvoju i unaprjeđenju inovatorskog istraživanja na području Općine Centar Sarajevo za 2023. godinu (broj: 11/B-11-401/23 od 31.1.2023. godine), Općinski načelnik o b j a v l j u j e:

## JAVNI POZIV

**za dodjelu finansijskih sredstava namijenjenih razvoju i unaprjeđenju inovatorskog istraživanja na području Općine Centar Sarajevo za 2023. godinu**

### I PREDMET POZIVA

Predmet Javnog poziva je prikupljanje zahtjeva i finansijska podrška inovatorima na području Općine Centar Sarajevo.

Finansijska sredstva će biti dodijeljena u skladu sa raspoloživim sredstvima Budžeta Općine Centar Sarajevo za 2023. godinu.

### II CILJ POZIVA I NAMJENA SREDSTAVA

Cilj Javnog poziva je provesti mlade ljude kroz proces inovacija, ohrabriti ih da istražuju mogućnosti i osnažiti da otkriju nove načine za poboljšanje života zajednice.

Namjena sredstava Javnog poziva je razvoj i unaprjeđenje inovatorskog istraživanja i inovatora na području Općine Centar Sarajevo za 2023. godinu.

**(1) Javni poziv sadrži 3 (tri) odvojena LOT-a prema namjeni finansijske podrške, kako slijedi:**

- a) **LOT 1:** Finansijska podrška za konsenzualni patent
- b) **LOT 2:** Finansijska podrška za potpuno istraživanje patenta
- c) **LOT 3:** Finansijska podrška za razvoj inovacija, projekata i učešće na domaćim/međunarodnim takmičenjima i smotrama iz oblasti inovacija

### III PRAVO UČEŠĆA I KRITERIJ

- (1) Aplikanti sa pravom učešća su: Fizička lica (Inovatori), obrazovne ustanove i organizacione jedinice (savezi i udruženja inovatora i/ili nevladine organizacije i/ili registrirane naučnoistraživačke organizacije i/ili inovacioni centri), sa područja Općine Centar Sarajevo, koji u svom programu obuhvataju razvoj projekata i unaprjeđenje inovatorskog istraživanja
- (2) Aplikant ima pravo da aplicira samo na jedan od tri ponuđena LOT-a i u skladu sa formalno pravnim uvjetima Javnog poziva ostvariti finansijsku podršku po jednom osnovu
- (3) Finansijska sredstva će biti dodijeljena u skladu sa raspoloživim budžetskim sredstvima Općine Centar Sarajevo za 2023. godinu, i to u maksimalnom iznosu do 400,00 KM za konsenzualni patent, maksimalnom iznosu do 2.000,00 KM za potpuno istraživanje patenta i sufinansiranje 50% troškova za učešće na domaćim/međunarodnim takmičenjima i smotrama iz oblasti inovacija u maksimalnom iznosu do 1.000,00 KM.
- (4) **Opšti kriteriji:**
  - a) Da aplikant ima prebivalište/sjedište obrazovne ustanove/sjedište organizacione jedinice na području Općine Centar Sarajevo;
  - b) Da aplikant ima otvoren i aktivan račun u banci.
- (5) **Posebni kriteriji za aplikante koji apliciraju na LOT 1 i LOT 2:**
  - a) Da je aplikant već aplicirao za zaštitu patenta u Institutu za intelektualno vlasništvo Bosne i Hercegovine i za koje je prošlo 18 mjeseci od datuma predaje za zaštitu (pravo prvenstva)
- (6) **Posebni kriteriji za aplikante koji apliciraju na LOT 3:**
  - a) Da će aplikant dostaviti Potvrdu obrazovne ustanove i/ili organizacione jedinice (savezi i udruženja inovatora i/ili nevladine organizacije i/ili registrirane naučno- istraživačke organizacije i/ili inovacioni centri) da se projekat realizira iz oblasti inovacija i/ili pozivno pismo od organizatora takmičenja/smotre

### IV SADRŽAJ POTREBNE DOKUMENTACIJE

- (1) **Uz popunjeni Prijavni obrazac** obavezno je priložiti:
  - a) *Potvrdu od Instituta za intelektualno vlasništvo gdje je vidljivo da je proteklo zakonskih 18 mjeseci od datuma podnošenja prijave, odnosno datuma priznatog prvenstva (LOT 1 i LOT 2)*
  - b) *Potvrdu Instituta za intelektualno vlasništvo da je inovacija/ patent koji se predlaže za dodjelu sredstava, prihvaćen ili dokaz da je zahtjev za prihvatanje inovacije/patenta predat Institutu za intelektualno vlasništvo (LOT 3)*
  - c) *Izjava o namjenskom utrošku sredstava (LOT 1, LOT 2 i LOT 3)*

**d) Potvrda o otvorenom i aktivnom računu kod banke (Originalni dokument, na stariji od 30 dana)  
(LOT 1, LOT 2 i LOT 3)**

Prijavni obrazac i Izjavu možete preuzeti na slijedećem linku: <http://www.centar.ba/stranica/javni-pozivi-euprava>

### **V NAČIN I ROK PODNOŠENJA ZAHTJEVA**

Zahtjevi /prijave se podnose u zatvorenoj koverti direktno na protokol Općine Centar Sarajevo ili preporučeno putem Pošte na adresu:

**Općina Centar Sarajevo  
Služba za LER i mjesnu samoupravu  
Mis Irbina 1  
71000 Sarajevo**

**Javni poziv za dodjelu finansijskih sredstava namijenjenih razvoju i unaprjeđenju poslovanja samostalnih privrednika na području Općine Centar Sarajevo za 2023. godinu**

*Naznačiti na koji LOT aplicirate (LOT 1, LOT 2 ili LOT 3)*

Na poleđini koverta obavezno se navodi: ime i prezime podnosioca zahtjeva/naziv institucije-organizacije, adresa i kontakt telefon.

***Javni poziv ostaje otvoren do utroška sredstava od dana objavljivanja u sredstvima javnog informisanja, a najkasnije do 30.11.2023. godine.***

### **VI OSTALE ODREDBE**

U postupku po Javnom pozivu Općina Centar Sarajevo ne snosi nikakve troškove učesnika Javnog poziva.

Općina Centar Sarajevo ne snosi odgovornost prema učesnicima Javnog poziva, u pogledu aktivnosti koje su preduzeli u cilju apliciranja.

Prispjela dokumentacija se ne vraća podnosiocu.

Sve dodatne informacije vezane za Javni poziv mogu se dobiti svakim radnim danom putem telefona: 033/562-389 i 033/223-269.

**OPŠTINSKI NAČELNIK**

Srđan Mandić